

茶經

下



NLIC 2970712897

中國茶葉博物館
張迺妙茶師紀念館
編

茶



(下)



NLIC 2970712897

上海古籍出版社

圖書在版編目(CIP)數據

茶經 / 中國茶葉博物館, 張廼妙茶師紀念館編著
—上海: 上海古籍出版社, 2011. 4
ISBN 978 - 7 - 5325 - 5791 - 2

I. ①茶… II. ①中… ②張… III. ①茶—文化—中國—古代 IV. ①TS971

中國版本圖書館 CIP 數據核字(2011)第 006959 號

ISBN 978-7-5325-5791-2



9 787532 557912 >

茶

經 (全二冊)

中國茶葉博物館
張廼妙茶師紀念館

上海世紀出版股份有限公司
上海古籍出版社

杭州蕭山古籍印務有限公司

瑞金二路二七二號
郵政編碼 200020

開本 七八七×一〇九二毫米 八開

印張 二二又八分之六

出版年月 二〇一一年四月第一版 第一次印刷

印數 一〇〇〇冊

定價 二八〇圓

書號 ISBN 978 - 7 - 5325 - 5791 - 2/G · 519

傳

唐陸羽字鴻漸一名疾字季疵復州竟陵人不知所
生或言有僧晨起聞湖傍羣鴈喧集以翼覆一嬰兒
遂收畜之既長以易自茲得蹇之漸曰鴻漸于陸其
羽可用爲儀乃以陸爲氏名而字之幼時其師教以
旁行書荅曰終鮮兄弟而絕後嗣得爲孝乎師怒使
執糞除圻填以苦之又使牧牛三十羽潛以竹畫牛
背爲字得張衡兩都賦不能讀危坐效羣兒囁嚅若
成誦狀師拘之令雜草莽當其記文字情情若有遺

過目不作主者鞭苦因歎曰歲月往矣奈何不知書
嗚咽不自勝因亡去匿爲優人作詠諧數千言大寶
中州人酺吏署羽伶師太守李齊物見異之授以書
遂廬火門山貌佻陋口吃而辯聞人善若在已見有
過者規切至忤人朋友燕處意有所行輒去人疑其
多嗔與人期雨雪虎狼不避也上元初更隱若溪自
稱桑苧翁又號竟陵子東園先生東岡子闔門著書
或獨行野中誦詩擊木徘徊不得意或慟哭而歸故
時謂今接輿也久之詔拜羽太子文學徙太常寺太

祝不就職貞元末卒羽嗜茶著茶經三篇言茶之源
之法之具尤備天下益知飲茶矣時鬻茶者至陶羽
形置湯突間祀爲茶神有常伯熊者因羽論復廣著
茶之功御史大夫李季卿宜慰江南次臨淮知伯熊
善煮茶召之伯熊執器則季卿爲再舉盃至江南又
有薦羽者召之羽衣野服挈具而入季卿不爲禮羽
愧之更著毀茶論其後尚茶成風時回紇入朝始驅
馬市茶

童史氏承叙曰余嘗過竟陵憇羽故寺訪鴈橋觀茶

井慨然想見其爲人夫羽少厭影緇篤嗜墳素本非
忘世者卒廼寄號桑亭遁跡茗膏嘯歌獨行繼以痛
哭其意必有所在時廼比之接輿豈知羽者哉至其
性其茗癖味辨淄澠清風雅趣膾炙今古張顛之於
酒也昌黎以爲有所託而逃羽亦以是夫

茶經外集

明 新都孫大綬編次

明 晉安鄭 熈校梓

唐

六羨歌

陸羽

不羨黃金壘，不羨白玉盃。
不羨朝入省，不羨暮入臺。
千羨萬羨西江水，曾向竟陵城下來。

茶歌

盧仝

日高丈五睡正濃，將軍扣門驚周公。
口傳諫議送書

信白絹斜封二道印開緘宛見諫議面手閱月團三百片聞道新年入山裏蟄虫驚動春風起天子須當陽羨茶百草不敢先開花仁風暗結珠蓓蕾先春抽出黃金芽摘鮮焙芳旋封裹至精至好且不奢至尊之餘合王公何事便到山人家柴門反關無俗客紗帽籠頭自煎吃碧雲引風吹不斷白花浮光凝桃面一椀喉吻潤二椀破孤悶三椀搜枯腸惟有文字五千卷四椀發輕汗平生不平事盡向毛孔散五椀肌骨清六椀通仙靈七椀吃不得也唯覺兩腋習習清

風生蓬萊山在何處

王川子乘此清風欲歸去

山上群仙司下土地位清高隔風雨安得知百萬億
蒼生命墮顛崖受辛苦便從諫議問蒼生到頭不得
蘇息否

送羽採茶

皇甫曾

千峰待逋客香茗復叢生採摘知深處烟霞羨獨行
幽期山寺遠野飯石泉清寂寂燃燈夜相思磬一聲

送羽赴越

皇甫冉

行隨新樹深夢隔重江遠迢遞風日閒蒼茫洲渚晚

尋陸羽不遇

僧皎然

移家雖帶郭，野徑入桑麻。
近種籬邊菊，秋來未著花。
扣門無犬吠，欲去問西家。
報道山中出，歸來每日斜。

西塔院

裴拾遺

竟陵文學，泉蹤跡尚虛。
無不獨支公，住曾經陸羽。
居草堂荒產蛤，茶井冷生魚。
一汲清冷飲，高風味有餘。

宋

關茶歌

范希文

年年春自東南來，建溪先暖冰微開。
溪邊奇花冠天下，

下武夷仙人從古栽新雷昨夜發何處家家嬉笑穿
雲去露芽錯落一番榮綴玉含珠散嘉樹終朝采掇
未盈檐惟求精粹不敢貪研膏焙乳有雅製方中圭
今圓中蟾比苑將期獻天子林下雄豪先闢美鼎磨
雲外首山銅瓶携江上中濡水黃金碾畔綠雲飛碧
玉甌中翠濤起鬪茶味今輕醍醐鬪茶香今薄蘭芷
其間品第胡能欺十目視而十手指勝若登仙不可
攀輪同降將無窮耻吁嗟天產石上英論功不愧階
前賞衆人之濁我獨清千人之醉我獨醒屈原試與

招魂魄劉伶却得聞雷霆盧仝敢不歌陸羽須作經
森然萬象中焉知無茶星商山丈人休茹芝首陽先
生休採薇長安酒價減千萬成都藥市無光輝不如
仙山一啜好冷然便欲乘風飛君莫羨花間女郎只
鬪草贏得珠璣滿斗歸

觀陸羽茶井

王禹偁

甃石封苔百尺深試茶滋味少知音惟餘半夜泉中
月留得先生一片心

茶經水辨

唐江州刺史張又新煎茶水記

元和九年春余初成名與同年生期于薦福寺余與李德垂先至憇西廂玄鑒室會適有楚僧至置囊有數編書余偶抽一通覽焉文細密皆雜記卷末又題云煮茶記云代宗朝李李卿刺湖州至維揚逢陸處士鴻漸李素熟陸名有傾蓋之權因之赴郡抵楊子驛將食李曰陸君善于茶蓋天下聞名矣况楊子南零水又殊絕今日一妙千載一遇可曠之乎命軍

士謹信者挈瓶操舟深詣南零陸利器以俟之俄水
至陸以杓揚其水曰江則江矣非南零者似臨岸之
水使曰某擢舟深入見者累百敢虛給乎陸不言既
而傾諸盆至平陸遽止之又以杓揚之曰自此南零
者矣使蹶然大駭馳下曰某自南零齎至岸舟蕩覆
半懼其鈔挹岸水增之處士之鑒神鑒也其敢隱焉
李與賓從數十人皆大駭愕李因問陸旣如是所經
歷處之水優劣精可判矣陸曰楚水第一晉水最下
李因命筆口授而次第之凡二十水且曰此皆余嘗

試之非係茶之精粗過此不之知也夫茶烹於所產
處無不佳也蓋水土之宜離其處水功其半然善煮
潔器全其功也李置諸笥焉遇有言茶者卽示之

九